

სახელმწიფო შესყიდვების შესახებ ხელშეკრულება

სადაზღვეო მომსახურების შესახებ №2656259/15 - 2015-57

ქ. თბილისი

თარიღი: 31.07.2015

სს „სადაზღვეო კომპანია ჯიპიაი ჰოლდინგი“ (მისამართი: კოსტავას 67, თბილისი, საქართველო; საიდენტიფიკაციო კოდი: 204426674), გენერალური დირექტორის პაატა ლომაძისა და ფინანსური დირექტორის ლევან ზუროშვილის სახით, (შემდგომში „მიმწოდებელი“ (მზღვეველი)), ერთის მხრივ,

და „ერედვის მუნიციპალიტეტი“ (მისამართი: ქ. თბილისი, დადამაშენებლის გამზ. №89/24, საიდენტიფიკაციო კოდი: 218065055), მისი გამგებელის ოთარ ცოტნაიშვილის სახით, (შემდგომში „შემსყიდველი“ (დამზღვეველი)), მეორეს მხრივ, საქართველოს მოქმედი კანონმდებლობის, „სახელმწიფო შესყიდვების შესახებ“ საქართველოს კანონის (მე-3 მუხლის ს¹ პუნქტი) მოთხოვნათა შესაბამისად, გამარტივებული შესყიდვის საშუალებით, ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე:

1. ტერმინთა განმარტებები:

ქვემოთ მოცემული ყოველი განსაზღვრება ინარჩუნებს აღნიშნულ მნიშვნელობას ამ დოკუმენტის ნებისმიერ ნაწილში.

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 1.2. „მოსარგებლე“ - სადაზღვეო პოლისში მითითებული პირი, რომელიც უფლებამოსილია მიიღოს სადაზღვეო ანაზღაურება დაზღვევის ხელშეკრულების საფუძველზე;
- 1.3. სადაზღვეო პოლისი (პოლისი) - დაზღვევის დამადასტურებელი დოკუმენტი, რომელიც „დამზღვევს“, მისი მიღების შემდგომ, აძლევს უფლებას სადაზღვეო შემთხვევის დადგომისას მოითხოვოს სადაზღვეო ანაზღაურება, წინამდებარე ხელშეკრულებით გათვალისწინებული პირობებით;
- 1.4. სადაზღვეო შემთხვევა - წინამდებარე ხელშეკრულებით გათვალისწინებული შემთხვევა, რომელიც წარმოადგენს სადაზღვეო ანაზღაურების გაცემის საფუძველს;
- 1.5. სადაზღვეო პერიოდი - პერიოდი, რომლის განმავლობაშიც დაზღვევა არის ძალაში;
- 1.6. სადაზღვეო თანხა - პოლისში მითითებული ანაზღაურების მაქსიმალური ლიმიტი, რომლის ფარგლებშიც „მზღვეველი“ კისრულობს ვალდებულებას აანაზღაუროს ზარალი;
- 1.7. სადაზღვეო პრემია (პრემია) - „დამზღვევის“ მიერ გადასახდელი პოლისის ღირებულება;
- 1.8. გამომუშავებული პრემია - პრემიის ის ნაწილი, რომელიც შეესაბამება დაზღვევის დაწყებიდან კონკრეტულ თარიღამდე პერიოდის შეფარდებას საწყის სადაზღვეო პერიოდთან;

2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს „მზღვეველის“ თანხმობა გაუწიოს „დამზღვევს“, ავტოსატრანსპორტო საშუალებების სრული დაზღვევის მომსახურება (CPV-66514110) მის მიერ მიღებული სადაზღვეო წესების „დაზღვევის პირობების“, წინამდებარე ხელშეკრულებისა და საქართველოს კანონმდებლობის შესაბამისად, ქონებრივი/პასუხისმგებლობის ინტერესის დასაცავად სადაზღვეო მომსახურება;
- 2.2. წინამდებარე ხელშეკრულების საფუძველზე განხორციელებული ნებისმიერი ცალკეული, სადაზღვეო მომსახურების პირობები მოცემული იქნება „მზღვეველის“ მიერ გაცემულ პოლისში, რომელიც „დაზღვევის პირობებთან“ და წინამდებარე ხელშეკრულებასთან ერთად არეგულირებს დაზღვევის ცალკეულ ობიექტებთან დაკავშირებულ მხარეთა ურთიერთობას. ამასთანავე პოლისი წარმოადგენს განხორციელებული დაზღვევის დამადასტურებელ დოკუმენტს, რომელიც „დამზღვევს“ მისი მიღების შემდგომ აძლევს უფლებას სადაზღვეო შემთხვევების დადგომისას მოითხოვოს სადაზღვეო ანაზღაურება;
- 2.3. დაზღვევის საგანი, სადაზღვეო რისკი, დაზღვევის დასაწყისი და მისი ხანგრძლივობა, სადაზღვეო თანხის და პრემიის ოდენობა (მისი გადახდის პირობების ჩათვლით) განისაზღვრება უშუალოდ მხარეთა მიერ პოლისის და წინამდებარე ხელშეკრულების მეშვეობით;
- 2.4. ხელშეკრულებით გათვალისწინებული მომსახურება გულისხმობს ნებაყოფლობითი საავტომობილო, მძღოლისა და მგზავრების უბედური შემთხვევისგან ასევე მესამე პირთა წინაშე პასუხისმგებლობის დაზღვევის განხორციელებას. მითითებულ სახეობა(ებ)ში მხარეებს შორის განხორციელებული ყველა დაზღვევა რეგულირდება წინამდებარე ხელშეკრულებით;
- 2.5. სადაზღვეო მომსახურების ღირებულება და დაზღვევის სხვა პირობები წინამდებარე ხელშეკრულებით განსაზღვრული სადაზღვეო მომსახურებებისათვის არის შემდეგი:

დაზღვევის სახეობა	დასაზღვევი ავტომანქანის მონაცემები	დაფარული რისკები	ეთი თვის ღირებულება (ლარებში)	დაზღვევის ღირებულება (ლარებში) (2015 წლის 1 აგვისტოდან 2015 წლის 31 დეკემბრი ჩათვლით, სულ 5 თვე)	ფრანშიზა	დამატებითი პირობები
საავტომობილო დაზღვევა	ავტომანქანა - „Renault Duster“. სახ.#LG601GL. გამოშვების წელი-2015. საბალანსო ღირებულება -33690 ლარი	ძარის დაზღვევა - "პოლისი ავტო კლასიკი - სრული დაფარვით"	170,352	851.76 ლარი ერთი პოლისისათვის	0 %	დამატებითი დაფარვა
		მძღოლისა და მგზავრების უბედური შემთხვევისგან დაზღვევა	7	35 ლარი ერთი პოლისისათვის	0 %	22 000 ლარი საბოლოო ღირებულება 4 400 ლარი
...		მესამე პირთა წინაშე პასუხისმგებლობის დაზღვევა	21.4	107 ლარი ერთი პოლისისათვის	0 %	ლიმიტი მესამე პირის 68000 ლარი

ჯამი:	198,752 ლარი	993,76 ლარი		
-------	-----------------	-------------	--	--

შენიშვნები: უფლებამოსილი მძღოლები- დამზღვევის ყველა თანამშრომელი, რომლის ასაკი არის 21 წელი ან მეტი და გააჩინა შესაბამისი კატეგორიის მართვის მოწმობა

2.6. "დაზღვევის პირობები" - 2.5 პუნქტში მითითებული სადაზღვევო მომსახურების სახეობ(ებ)ისათვის თან ერთვის წინამდებარე ხელშეკრულებას და წარმოადგენს მის განუყოფელ ნაწილს: საავტომობილო დაზღვევის, მძღოლისა და მგზავრების უბედური შემთხვევისგან ასევე მესამე პირთა წინაშე პასუხისმგებლობის დაზღვევის პირობები.

2.7. მომსახურების გაწევა უნდა განხორციელდეს საქართველოს, სომხეთის, აზერბაიჯანის და თურქეთის მთელს ტერიტორიაზე 24 სთ-ის განმავლობაში, ყოველდღიურად, დასვენების დღეების ჩათვლით, 2015 წლის 1 აგვისტოს 00:00 საათიდან 2015 წლის 31 დეკემბრის 24:00 საათის ჩათვლით.

3. ხელშეკრულების მოქმედების ვადა, მისი ძალაში შესვლისა და შეწყვეტის პირობები

3.1. წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს 31.01.2016 ჩათვლით. მხარეებს ევრძალევათ ხელშეკრულებით პირდაპირი გათვალისწინებული შემთხვევების გარდა მოშალონ ან შეწყვიტონ წინამდებარე ხელშეკრულება;

3.2. „დამზღვევის“ მიერ წინამდებარე ხელშეკრულების და/ან მის საფუძველზე გაფორმებული ნებისმიერი პოლისის ვადამდე შეწყვეტის შემთხვევაში, "დამზღვევი" ვალდებულია წერილობით შეატყობინოს "მზღვეველს" ხელშეკრულების მოშლის ან პოლისის გაუქმების შესახებ 1 (ერთი) თვით ადრე, დაუბრუნოს "მზღვეველს" დაზღვევასთან დაკავშირებული დოკუმენტაცია სრულად და გადაიხადოს დაზღვევის შეწყვეტის მომენტისათვის გამომუშავებული პრემიის ორმაგი ოდენობა თითოეული პოლისის მიხედვით. აღნიშნული პირობა მოქმედებს იმ შემთხვევაში თუ წინამდებარე ხელშეკრულების საფუძველზე გაცემული პოლის(ებ)ის "დამზღვევის" მიერ ვადამდე შეწყვეტის შედეგად შემცირდება შეწყვეტის მომენტისთვის პოლისებით განსაზღვრული სადაზღვევო თანხის 10%-ზე მეტით, ან იმ შემთხვევაში თუ გაუქმდა წინამდებარე ხელშეკრულება;

3.3. "დამზღვევის" მიერ პრემიის გადაუხდელობის გამო "მზღვეველის" მხრიდან ხელშეკრულების ან პოლისის ვადაზე ადრე შეწყვეტისას "დამზღვევი" ვალდებულია დაუბრუნოს "მზღვეველს" დაზღვევასთან დაკავშირებული დოკუმენტაცია სრულად და გადაიხადოს დაზღვევის შეწყვეტის მომენტისათვის გამომუშავებული პრემიის ორმაგი ოდენობა თითოეული პოლისის მიხედვით;

3.4. 3.2. და 3.3. პუნქტებით გათვალისწინებულ შემთხვევებში პირობა, პრემიის ოდენობის გადაანგარიშების შესახებ, მოქმედებს "მზღვეველის" მხრიდან წერილობითი შეტყობინების შემთხვევაში;

3.5. "მზღვეველი" უფლებამოსილია:

3.5.1. თუ დაირღვა პრემიის გადახდის ვალდებულება (პრემია და/ან მისი ნაწილი დროულად ან დადგენილი ოდენობით არ იქნა გადახდილი), "მზღვეველი" დამატებითი წერილობითი შეტყობინების გარეშე, 2 (ორი) კვირიანი ვადის გასვლის შემდგომ თავისუფლდება დაზღვევით ნაკისრი მოვალეობის შესრულებისაგან. გადახდის გრაფიკის აღდგენის და პირგასამტეხლოს გადახდის შემდეგ, მხარეთა ურთიერთობა გაგრძელდება წინამდებარე ხელშეკრულების მიხედვით, თუმცა ამავე დროს "მზღვეველი" არ იქნება პასუხისმგებელი მხარეთა ურთიერთობის აღდგენამდე მომხდარი სადაზღვევო შემთხვევების შედეგად წარმოშობილი ზარალის ანაზღაურებაზე;

3.5.2. "მზღვეველი" უფლებამოსილია მოშალოს ხელშეკრულება იმ შემთხვევაში თუ ინფორმაცია, რომელიც მას დაზღვევის ხელშეკრულების დადებისას მიეწოდა, შეიცავს არასწორ მონაცემებს და/ან ინფორმაციის შეუტყობინებლობის შემთხვევაში. ასეთ შემთხვევაში ხელშეკრულების მოშლა შესაძლებელია სადაზღვევო შემთხვევის დადგომის შემდეგაც, იმ შემთხვევაში თუ გარემოებამ, რომლის შესახებაც დაირღვა ინფორმაციის შეტყობინების ვალდებულება, გავლენა მოახდინა სადაზღვევო შემთხვევის დადგომაზე და "მზღვეველის" მოვალეობის შესრულებაზე, მაშინ "მზღვეველი" თავისუფლდება ნაკისრი მოვალეობის შესრულებისაგან;

3.5.3. მოშალოს ხელშეკრულება 1 (ერთი) თვიანი ვადის დაცვით საფრთხის გაზრდის შესახებ ინფორმაციის შეტყობინების მიღების შემთხვევაში. ვადის დაცვა აუცილებელი არ არის თუ "დამზღვევმა" საფრთხე განზრახ გამოიწვია;

3.5.4. "მზღვეველი" უფლებამოსილია შეწყვიტოს ხელშეკრულება ახალ შემქმნთან ქონების გასხვისების შესახებ ინფორმაციის მიღებიდან 1 (ერთი) თვის ვადაში;

3.6. მხარეებს უნდა ეცნობოთ ხელშეკრულების ვადამდე ადრე (ხელშეკრულების 3.1 პუნქტი) მოშლის შესახებ წერილობით;

4. მომსახურების მიღება-ჩაბარების და ანგარიშსწორების წესი

4.1 ყოველთვიური მომსახურების თაობაზე მიღება-ჩაბარების აქტი მხარეთა შორის გაფორმდება ყოველთვიურად, მომსახურების გაწევის შემდეგ, საანგარიშო თვის მომდევნო თვის არაუგვიანეს 10 რიცხვამდე.

4.2 მიმწოდებელთან ანგარიშსწორება განხორციელდება უნაზღაურო ანგარიშსწორებით, საქართველოს ეროვნული ვალუტით, მხარეთა შორის გაფორმებული მიღება-ჩაბარების აქტისა და მიმწოდებლის მიერ წარმოდგენილი სათანადო ინვოისის საფუძველზე, დოკუმენტების სრულყოფილად გაფორმებიდან არაუგვიანეს 10 (ათი) კალენდარული დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

5. მხარეთა უფლებები და მოვალეობები

5.1. "მზღვეველი" ვალდებულია:

5.1.1. უზრუნველყოს "დამზღვევისათვის" ყველა იმ დოკუმენტის გადაცემა (განაცხადები, დაზღვევის პირობები და პოლისები), რომლებიც საჭიროა დაზღვევის გაფორმებისათვის;


5.1.2. "დამზღვევის" მიერ ხელშეკრულებაში მითითებული პირობების შესაბამისად გადახდილი პრემიის საფუძველზე სადაზღვევო შემთხვევის დადგომისას და ანაზღაურების ოდენობის განსაზღვრის შემდეგ აუნაზღაუროს „დამზღვევს“ (ან "მოსარგებლეს") ზარალი წინამდებარე ხელშეკრულების დანართ(ებ)ში მოცემული „დაზღვევის პირობების“ შესაბამისად;

5.1.3. არ გაახშაუროს "დამზღვევთან" საქმიანი ურთიერთობების შედეგად მოპოვებული ინფორმაცია, გარდა საქართველოს კანონმდებლობით გათვალისწინებული შემთხვევებისა;

5.1.4. უზრუნველყოს და პერმანენტულად გააკონტროლოს სადაზღვევო მომსახურების ხარისხი;

5.2. "მზღვეველი" უფლებამოსილია:

5.2.1. "დამზღვევის" მხრიდან ხელშეკრულების პირობებისა და ანგარიშსწორების პირობების დარღვევის შემთხვევაში შეწყვიტოს სადაზღვევო


"ოპერატივი"

ხელშეკრულება;

- 5.2.2. არ გასცეს ან სრულად არ გასცეს სადაზღვევო ანაზღაურება "დამზღვევის" მიერ წინამდებარე ხელშეკრულების პირობების დარღვევის შემთხვევაში;
- 5.2.3. "დამზღვევის" მიერ ანგარიშსწორების პირობების დარღვევის შემთხვევაში წერილობით მოითხოვოს "დამზღვევისაგან" პირგასამტეხლოს გადახდა დავალიანებული პრემიის 0.20%-ს ოდენობით თითოეული ვადაგადაცილებული დღისათვის; პირგასამტეხლოს დარიცხვა/ათვლა დაიწყება წერილობით შეტყობინებაში მითითებული თარიღიდან. ამასთანავე პირგასამტეხლო გადაიხდება დამატებით, პრემიის გადახდის ვალდებულების მიუხედავად, რომლის გადახდაც არ ათავისუფლებს "დამზღვევს" ნაკისრი ძირითადი ფულადი ვალდებულების შესრულებისაგან;
- 5.2.4. არ აანაზღაუროს სადაზღვევო შემთხვევით დამდგარი ზარალი „დამზღვევის“ მიერ სადაზღვევო შემთხვევის გაყალბების აღმოჩენის შემთხვევაში. ასეთი დარღვევის აღმოჩენის შემთხვევაში "მზღვეველი" უფლებამოსილია დააჯარიმოს „დამზღვევი“ 5'000 (ხუთი ათასი) ლარის ოდენობით;
- 5.2.5. მოითხოვოს პრემიის გაზრდა 5.3.3. პუნქტის მიხედვით რისკის ცვლილების შესაბამისად;
- 5.2.6. სადაზღვევო შემთხვევის დადგომის შემდეგ მოსთხოვოს "დამზღვევს" ყოველგვარი ცნობა, რომელიც აუცილებელია სადაზღვევო შემთხვევის დასადგენად და/ან მოვალეობის მოცულობის განსაზღვრად;
- 5.2.7. უარი თქვას ანაზღაურების მოვალეობის შესრულებაზე თუკი "დამზღვევი" დაარღვევს ქონების გასხვისების შეტყობინების ვალდებულებას;
- 5.2.8. მოითხოვოს "დამზღვევისაგან" წინამდებარე ხელშეკრულებით და "დაზღვევის პირობებით" დაკისრებული ვალდებულებების სრულად შესრულება;
- 5.3. "დამზღვევი" ვალდებულია:
- 5.3.1. გადაიხადოს პრემია ხელშეკრულებაში და/ან პოლისში მოცემული პირობებისა და ვადების დაცვით;
- 5.3.2. პოლისის მიღებამდე გააცნოს "მზღვეველს" ყველა მისთვის ცნობილი გარემოება, რომელსაც არსებითი მნიშვნელობა აქვს საფრთხის ან სადაზღვევო შემთხვევის დადგომისათვის;
- 5.3.3. პოლისის მოქმედების პერიოდში დაუყოვნებლივ შეატყობინოს "მზღვეველს" ყველა იმ ცვლილების შესახებ, რომელიც ზრდის დაზღვეული რისკის ზომას ან ხარისხს და რომელიც აღმოცენდა დაზღვევის ძალაში შესვლის შემდგომ (არსებითი გარემოებები, რომელიც აღმოცენდა დაზღვევის ხელშეკრულების დადების შემდეგ);
- 5.3.4. "დამზღვევი" ვალდებულია დაზღვევით გათვალისწინებული შემთხვევის დადგომისას შეძლებისდაგვარად თავიდან აიცილოს და/ან შეამციროს ზიანი და ამასთან დაკავშირებით შეასრულოს "მზღვეველის" მითითებები (ასეთის არსებობის შემთხვევაში);
- 5.3.5. ხელი შეუწყოს "მზღვეველის" მიერ სადაზღვევო შემთხვევასთან და მის შედეგებთან დაკავშირებული ინფორმაციის მოკვლევა-მოძიებას;
- 5.3.6. გადასცეს "მზღვეველს" ყველა აუცილებელი დოკუმენტი, რომელიც დაადასტურებს "დამზღვევის" მიერ "მზღვეველისათვის" მესამე პირის მიმართ ზიანის ანაზღაურების თაობაზე მოთხოვნის გადაცემის ფაქტს;
- 5.3.7. "დამზღვევი" ვალდებულია შეატყობინოს მესამე პირს თავისი განზრახვა დაზღვიოს მისი ქონება ან მასთან დაკავშირებული ინტერესი, დაზღვევის ობიექტის ზუსტი მითითებით და ასევე შეატყობინოს დაზღვეულს დაზღვევით გათვალისწინებული ვალდებულებების შესახებ. ქონების დაზღვევისას დაზღვეულს, რომელიც არ არის "დამზღვევი", უნდა ჰქონდეს ამ ქონების შენარჩუნების ინტერესი;
- 5.3.8. სადაზღვევო მომსახურების კოორდინაციისა და ხარისხის მუდმივი კონტროლის მიზნით გამოყოს "მზღვეველთან" საკონტაქტო პირი;
- 5.3.9. დაზღვეულის სასარგებლოდ ხელშეკრულების დადება არ ათავისუფლებს "დამზღვევს" წინამდებარე ხელშეკრულებით ნაკისრი ვალდებულებების შესრულებისაგან;
- 5.4. "დამზღვევი" უფლებამოსილია:
- 5.4.1. მოითხოვოს "მზღვეველისაგან" წინამდებარე ხელშეკრულებით და "დაზღვევის პირობებით" დაკისრებული ვალდებულებების სრულად შესრულება;
- 5.4.2. შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს. შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი გაწეულ მომსახურებაში, მიმწოდებელი ვალდებულია დაუყოვნებლივ გამოასწოროს წუნი.
- 5.4.2. "მზღვეველის" მიერ "დაზღვევის პირობებით" ნაკისრი სადაზღვევო ანაზღაურების გადახდის ვალდებულების დარღვევის შემთხვევაში წერილობით მოითხოვოს "მზღვეველისაგან" პირგასამტეხლოს გადახდა გადასახდელი სადაზღვევო ანაზღაურების 0.20%-ის ოდენობით ყოველ ვადაგადაცილებულ დღეზე, რაც არ ათავისუფლებს "მზღვეველს" ნაკისრი ძირითადი ფულადი ვალდებულების შესრულებისაგან; ამასთანავე პირგასამტეხლოს დარიცხვა/ათვლა დაიწყება შესაბამის წერილობით შეტყობინებაში მითითებული თარიღიდან;
- 5.4.3. პოლისის დაკარგვის ან განადგურების შემთხვევაში, მოსთხოვოს "მზღვეველს" დაკარგული პოლისის შესაბამისი წესით უვარგისობის გამოცხადება და პოლისის განახლება.

6. ფორს-მაჟორი

- 6.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;
- 6.2. წინამდებარე ხელშეკრულების მიზნებისათვის ფორს-მაჟორი ნიშნავს მხარეებისათვის გადაუღებელ და დაუდევრობებთან და რომლებსაც გააჩნიათ წინასწარ დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;
- 6.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუზღავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

7. სადაო საკითხების განხილვა

- 7.1. წინამდებარე ხელშეკრულებისათვის, მხარეთა მიერ ხელშეკრულების შესრულების ადგილად მიჩნეულია "მზღვეველის" იურიდიული მისამართი;
- 7.2. ხელშეკრულების მოქმედების პერიოდში წამოჭრილი ყველა დავა და უთანხმოება გადაწყდება მხარეთა შორის მოლაპარაკებების გზით. თუ მხარეები ვერ შეაღწევენ შეთანხმებას, საქმე განსახილველად გადაეცემა სასამართლოს და დავები გადაწყდება საქართველოს მოქმედი კანონმდებლობის შესაბამისად.

8. მხარეთა ურთიერთობა

- 8.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით;
- 8.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, თუ ამ თარიღიდან რომელი უფრო გვიან დგება.

9. დამატებითი პირობები

- 9.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;
- 9.2. "დამზღვევი" წინამდებარე ხელშეკრულებაზე ხელმოწერით ადასტურებს რომ წინამდებარე ხელშეკრულება და "დაზღვევის პირობები" არ შეიცავენ ბუნდოვან ან უჩვეულო დებულებებს და რომ იგი სრულად გაეცნო და მიიღო აღნიშნული პირობები. მხარეები წინამდებარე ხელშეკრულებაზე ხელმოწერით, აგრეთვე ადასტურებენ რომ აღნიშნული პირობებით გათვალისწინებულ დებულებებს გააჩნიათ მხარეთათვის სავალდებულო ძალა;
- 9.3. წინამდებარე ხელშეკრულების საფუძველზე გაცემული პოლისები და „დაზღვევის პირობები“ წარმოადგენს წინამდებარე ხელშეკრულების განუყოფელ ნაწილს;
- 9.4. "დამზღვევი" აცხადებს და ხელშეკრულებაზე ხელმოწერით, აგრეთვე ადასტურებს, რომ წინამდებარე ხელშეკრულება და "დაზღვევის პირობები" გამოხატავენ მის ნებას. მას მოპოვებული აქვს ხელშეკრულების დადებისათვის კანონმდებლობით და წინამდებარე ხელშეკრულებით გათვალისწინებული ყველა საჭირო თანხმობა და ნებართვა;
- 9.5. "დაზღვევის პირობებსა" და წინამდებარე ხელშეკრულებას შორის ნებისმიერი შეუსაბამობის გამოვლენის შემთხვევაში მხარეები უპირატესობას ანიჭებენ „დაზღვევის პირობებს“;
- 9.6. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;
- 9.7. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით. ყველაფერ დანარჩენში, რაც არ არის გათვალისწინებული ხელშეკრულებით, მხარეები ხელმძღვანელობენ საქართველოს მოქმედი კანონმდებლობით. კანონმდებლობაში მომხდარი ცვლილებების შედეგად ხელშეკრულების რომელიმე პუნქტის მოქმედების შეწყვეტის შემთხვევაში ხელშეკრულების დანარჩენი პუნქტები ძალაში რჩება;
- 9.8. ხელშეკრულების ხელმოწერის შემდგომ ხელმოწერამდე არსებული ნებისმიერი სხვა სიტყვიერი ან წერილობითი შეთანხმება ხელშეკრულებით მოწესრიგებულ საკითხებთან დაკავშირებით ბათილია;
- 9.9. "ზღვეველი" არ არის პასუხისმგებელი ნებისმიერი სახის მომსახურების ხარჯების ანაზღაურებაზე, რომლებიც არ არის გათვალისწინებული წინამდებარე ხელშეკრულებით;
- 9.10. ხელშეკრულება შედგენილია თანაბარი იურიდიული ძალის მქონე 2 (ორი) იდენტურ ეგზემპლარად, თითო ყოველი მხარისთვის.

10. მხარეთა იურიდიული მისამართები და ხელმოწერები:

მიმწოდებელი (მზღვეველი)	შემსყიდველი (დამზღვევი)
სს "სადაზღვევო კომპანია ჯიპიაი ჰოლდინგი"	„ერედვის მუნიციპალიტეტი“
საიდენტიფიკაციო კოდი: 204426674	საიდენტიფიკაციო კოდი: 218065055
მისამართი: ქ. თბილისი, ვოსტაქვას #67, თბილისი, საქართველო	მისამართი: ქ. თბილისი, დ. აღმაშენებლის გამზ. №89/24
საბანკო რეკვიზიტები: ბანკი: თი ზი სი ბანკი ბანკის კოდი: TBCBGE22 ანგ. # GE13TB110000005700652 GEL	ანგარიშსწორების რეკვიზიტები: მიმღები: სახელმწიფო ხაზინა მიმღების დასახელება: ხაზინის ერთიანი ანგარიში კოდი: TRESGE22 ა/ა GE24MB0330100200165022
	
პაატა ლომაძე, გენერალური დირექტორი	ოთარ ცოტეხიძე, მუნიციპალიტეტის გამგებელი